



~~Geschichte~~

~~II.~~

~~II.~~

24

Ne

zu 00

viel Angebundene

R

(1-24)

Bonn /
Warhafftige Zeitung / von
Belegerung vnd Einnemung der Stadt
Bonn / sampt der Schancken.

Welcher gestalt die Spanischen sie ein-
bekommen haben / den 25. Septembris
Anno M. D. LXXVIII.

Auch was sich darvor auff beeden Theylen verlossen
vnd zugetragen hat / seind der Belägerung / mit
Scharmützel / Schlagen vnd andern
Kriegs Sachen.



Von der Belägerung Bonn/sampt der Schancken.

Est ist jedermenniglich gnugsam bewust/ was geschwilt
der Practicken / grossen Lists und Betrugs / vnd auff soviel weis
vnd wez wider die Stet vnd Schösser mit verretheren gesucht wird/ als
man leyder gnugsam erfahren hat/ vñ noch erfert/ drumb giltts auffsehens.

Man hat zwar/ Gott erbarms/ gutherziger Leser/ mit grossem schaa
den vnd verderben des gemeinen Bürgers vnd Hausmans gnugsam bes
funden/ in wamassen Martin Schenck/ sich Anno 1587. im December/
aus dem Fuchgloch/ ein Schanz bey Niemwegen/ also genant/ welche er
lange zeit ingehabt hat/ gar gewaltig fest in der eyl auffgemacht/ vnd auß
den Besatzungen hin vnd wider Kriegsvolck/ zu Ross vnd Fuß genomen/
vnd sich auff das Erststüß Eölln begeben/ nicht weit von einer Stad Zus
lich genant/ welche dem Churfürsten von Eölln zugehörig/ also das man
vermeinte im Erststüß / er würde sich etwa an den kleinen Städtlein oder
Flecken/ welche mit keiner Besatzung versehen/ streiffen. Weil er aber also
gelegen ist er den 22. Decembris auffgebrochen/ vnd sich gewant/ als wolt
er nach der Euffel ziehen/ wie daß damals das geschrey allenthalben gieng
ge/ hat er sich stracks auffs Eöllnisch Gebiet begeben/ fortgezogen/ bis auff
den halben weg zwischen Bonn vnd Brül / allda er gehalten an einem
Gehülts/ etliche von seinen Reuttern außgeschickt / auff den Bonnischen
weg/ so irgent volck nach Bonn reysete/ dasselb auffzuhalten/ damit es den
von Bonn nicht fundt gethan möcht werden. Weil er nun mit seinem volck
gerast/ gespeist/ vnd die Pferde gefüttert / hat Schenck alle ding zu lassen
richten / doch sich nichts mercken lassen / was vorhabens er were/ Dann er
hate drey wunderbarliche Instrument / vngeföhlich jedes zweyer Fuß
lang/ von eyssen gemacht/ Solches konte man jedes mit 15. pfundt puluer
beladen/ das eine aber zimlich groß/ das ir zwen tragen kontden/ die anderis
zwey klainer/ das ein jedes ein Man tragen konte/ solche hat er lassen tras
gen durch den Bogen/ vntern Zoll/ in der still/ bis an die kleine Pfort oben
am Zollhaus / vnd die lassen vntergraben/ vnd dasselbe Instrument also
vnter die Pforten stellen.

So lagen vnter des Thürleins tröppen daselbsten auch zwey Schwein/
so einweder on gefehr/ oder mit fleiß dahin bracht/ vnd jederweil vor vnd
nach angestossen/ vnd mehreren das geschrey vnd getümel/ mit irem grun
sen/ Dergleichen die Windmühl/ gab krachen vnd getümel.

Vnd

Bad wie nun alles was nöthig/ zu zericht/ hat der Schenck den Solo
Daten/ so die Kammer mit einer newer art Puluers erfüllet/ das Feuer an
gehen zu lassen/ befohlen/ welches so glücklich im dermassen angangen/ das
es beyde Thürlein/ sampt deren auß vierrecketen/ doppelten/ ganz starcken/
erbawten steinern Pasteyen / mit vnsegllicher grausamer macht / gewalt/
schall vnd donner / innerhalb zur Statt / vnd außserhalb auff dem Weer
des Rheins außgerissen vnd vmbgeworffen/ als were die Stat mit einem
Erdbiden bewegt/ vnd alles Volck dadurch verzagt worden. Darauff der
Feind zum anlauff fertig vnd gefast gewesen/ vnd die Statt mit großem
erschrocklichem geschrey vnd geschwindigkeit angefallen / deren von der
Wacht etliche erschossen/ Bald ist darauff die Bierport geöffnet worden/
vnd die ganz Reuterey einkommen/ die Trommeter geblasen/ auff die Trom
men geschlagen/ ein solch schrocklich Tumult vnd geschrey erhaben / als
wann alles in der Statt ermordet vñ erwürgt würde/ In solchem Lermen
vnd zetter geschrey/ seind viel vber die Statmaur außgefallen/ dardurch
die Bürgerschaft gar erschreckt/ derselben keiner/ oder gar wenig zur wehre
griffen. Solche Botschafft ist dem Churfürsten von Cölln zu wissen ge
than/ darauff si h. J. C. G. mit den irigen entschlossen/ den König von His
panien/ als sein verwandten vnd guten Freund vmb hülff vnd Beystand
anzuruffen/ Solches hat im J. R. M. nicht abgeschlagen / sonder im von
stundan Kriegsvolck zu Ross vnd Fuß abfertigen lassen / mit des Herzog
gen von Arschotts Sohn/ Earle der Prinz von Chimney/ als Oberster/ ist
also mit sein Volck zum ersten in Brüssel ankommen/ vnd den 13. Martij
sich vber den Rhein/ vnter Cölln/ nach der Schanz begeben.

Als solches Schenck vernommen/ das man Bonn belegern solt/ hat
er alsbald etliche Herrn vmb hülff angesucht/ die Stat Bonn in der Bes
legerung zu entsetzen. Vnter des kompt mitler weil noch mehr herrliche
vnd dapffere Kriegsvolck / den 23. Martij/ von Spaniern Italianern/
Franzosen vnd Deutschen/ nemlich Taris/ auß Friesland ein gewaltiger
Kriegsman vnd Capitein / welcher dem König von Hispanien lang ges
dient hat/ vnd vil ritterliche Thaten bewisen mit seinem Kriegsvolck/ also
das auß jenseit des Rheins/ da die Bonnischen ire Schanz gemacht hetten/
am ersten belegert/ die mit Lauffgräben gemacht/ vnd mit Kriegsvolck wol
versehen/ das man nicht wol darauff enttrinnen kondt.

So hat es sich auch zugetragen vnd begeben/ das Taris den 20. April
noch mit zween andern Capiteinen/ auß seinem Losament gangen ist die

A ij Schanz

Schanke zu besichtigen/ an welchem Ort man sie möchte angreifen/ In dem er so hin vnd wider geht/ scheust einer auß der Bonnischen Schanz/ vnd scheust in durch den Kopff/ das er stracks darnider felle/ So fallen ihr etliche auß der Schanz vnd nemen in/ vnd bringen in in die Stat Bonn. Darnach haben die Spanischen den todten Körper wider umb ein gross summa gelts kauft/ vnd nach Colln lassen füren/ den 26. Aprilis/ vñ ins Warfüßer Kloster begraben/ mit grossen pracht vnd herrlichkeit.

Nach solchem haben die Spanischen auch ein Schanz auffgeworffen/ gegen der Bonnischen Schanz/ aber die nicht lang behalten/ seind die Bonnischen auß irer Schanz gefallen/ vnd die Spanischen geschlagen/ vnd ir etlich todt blieben/ vnd die Spanische schanz ein zeitlang in gehabt.

Den 29. Aprilis ist etlich tausent Kriegsvolck zu Ross vnd Fuß/ vor Bonn kommen/ vnd die Stadt mit gewalt beleget/ vnd mit Lauffgraben vnd schanzen wol versehen/ wie dann die Contrafactur außweiset. Bald darnach haben sie Boppeldorff auffgefodert/ welches von Schencken Volck besetzt war/ haben sie sich ergeben/ Vnd man hat sie mit iren Seyntewehren lassen passieren/ wo ein jeden hin beliebte.

Es hat sich auch begeben vnd zugetragen/ das die in Bonn vntereinander ein Allermen gehabt/ Also das die Hochdeutschen vorgeben haben/ es were kein entsetzung vorhanden/ vnd man höret oder vernem nichts von Schencken/ oder von entsetzung/ darumb were es das beste/ in zeit mit dem Feinden oder Spanischen zu accordiren/ Solches haben die Niderlendischen Knecht vnd Capitein in keinem weg wollen eingehen oder gestatet/ haben derhalben ir etliche gefangen/ vnd auß den Marckte gehenckt.

Nach dem ist das Kriegsvolck auß der Stat Bonn gefallen/ vnd ein Schiff welche von Andernach kam/ mit allerley nothurfft von prouiant/ welches den Spanischen solt zukommen/ den Bonnischen verkundschafft war/ Das haben sie mit gewalt genommen/ vnd zwei Manperson/ vnd ein Frau in den Rhein geworffen/ vnd also das Schiff gen Bonn bracht.

Den 21. Brachmonat/ ist das Geschütz ankommen vor Bonn/ welches zu Mors gestanden/ seind der einnehmung Neuf/ das ist den Rh. in auffgebracht worden mit schiffen.

Den 22. Brachmon/ seind die Kriegsknecht auß Bonn gefallen/ auff 500. stark/ darunter ir sechsehen oder achsehen mit grossen schmidhammern/ In meinung/ das Geschütz zu verderben/ Aber ihr fürnehmen hatte keinen fortgang/ die Spanischen aber begegneten ihn dermassen/ das sie
fro

fro waren/das sie wider zur Statt einlamen/ vnd blieben jr zu beden seynt
etliche todt.

Zum andern mal seind die Bonnischen heraus gefallen / vnd den
Spanischen die Prouant genommen/ sind jr etliche todt blieben.

Widerumb seind die Bonnischen auff sechshundert starck außgezogen/
nach Cölln/ allerley Prouant vnd notturfft zu holen/ sind ihr viel zu
Wesseling vnd Gudesdorff ligen blieben/ Aber im heimkehren seind inen
etlich Spanische entgegen kommen/ vnd mit inen gescharmüßelt/ aber der
Spanischen sind etliche geblieben / vnd achzehen mit gefangen worden/
vnd zu Bonn mit eingebracht.

Den 6. Julij/ seind die Bonnischen auß irer Schantz gefallen/ vnd
die Wacht erstochen/ weil sie noch im schlaff lagen/ ihr viel vmb den Hals
gebracht / sie also auß dem schlaff erweckt/ vnd wacker gemacht/ vnd die
Schantz also einbekommen/ vnd ein zeitlang inn behalten.

Den 27. Julij ist der Herr von Eckenberg/ mit seinem Vold vor Bonn
kommen. Seind sie widerumb heraus gefallen/ Kühe/ Pferdt/ Huren vnd
Jungen inen genommen/ vnd gen Bonn bracht/ auch jr viel erschossen.

Widerumb sind sie heraus gefallen in der Welschen Lager / vnd sie
auß demselben getrieben/ vnd das Lager angezündt.

Den 10. Augusti hat man ganz hefftig geschossen / vor der kleinen
Schantz/ das sich die Bonnischen Knecht nicht mehr darinn erhalten kon-
den/ vnd darauff in die grossen Schantz gewichen.

Haben darnach widerumb ein außfall gethan / vnd des Herzogen
von Ehlmeß Vetter oder Nesen gefangen/ vnd etliche der Spanischen ers-
schossen/ haben in sampt andern Knechten in die Statt gebracht.

Den 16. Augusti haben sie abermal hefftig angefangen die Schantz
zubeschießen/ aber nicht viel darmit außgerichte.

Den 17. Haben sie gleichfalls hefftig mit dem groben Geschütz ge-
schossen/ vnd jr viel in vnd außserhalb der Schantz beschädiget.

Folgenden 18. widerumb gewaltig geschossen/ ist der Hauptman Das-
vld Hund erschossen worden. Der Fendrich schwang sein Fenlein in der
Schantz herumb / ward auch mit einer Kugel getroffen/ das ein stück hies-
her/ das ander dorthin flog.

Diesen Tag haben die Spanischen Kriegsknecht gespielt / welche dem
anlauff thun solten/ die Schantz zu stürmen/ da habens die Hochteutschen
verspielt/ vnd ein anlauff gethan/ Aber ihr viel auß dem plaz blieben/ has-

Ben sich bald zu rück gewandt/ daß haben die Welschen nach sollen folgen/ ist aber nicht geschehen / sind vor den beyden Schanzen eilff hundert vnd etliche Schuß geschehen/ mit den groben stücken.

Den 20. Augusti sind etliche Hochteutsche heimlich in der nacht auß der Schanz gefallen / vnd sich in das Spanisch Lager begeben / das die Niderländer nichts darvon wusten / vnd mit den Spanischen accordire/ das sie zu Gnaden sind angenommen worden / dieweil sie sahen/ das der Schenck mit keiner entsetzung vorhanden war/ vnd in viel verheissen/ vnd zugesagt/ doch nicht gehalten / Darzu auch vernamen/ das sie vnder graben wurden/ vnd im Rauch gen Himmel solten fliegen.

Da solches die Niderteutschen vernamen/ haben sie sich auch ergeben/ vnd haben den 21. Augusti geschworen wider den König von Hispanien in dreyen Monaten nicht zu dienen / so hat man sie zu Schiff / mit ihrer Wehr/ vnd fliegenden Fahnen/ den Rhein ab beleytet / wo ein jeder hin lust hatte zu ziehen. Aber die Hochteutschen/ welche die Schanz auffgeben/ auff die anderthalb hundert/ wie die sag gieng / haben dem König zu dienen geschworen/ haben in der Eyl auffgebrochen/ vnd also wollen darvon ziehen / welches die Spehrreutter / vnd Carbeyner gewar worden / haben inen nachgeeylet/ vnd sie gefragt: Behin jr Soldaten? Haben sie geantwort/ mit verzagtem Gemüht: Nach Haus/ Haben die Reutter geruffen Her/her/ ihr müßt sterben/ vnd also darcin gestoßen vnd geschossen/ das ihser vber vier nicht darvon kommen sind/ Also ist inen jr dienst belohnet.

Den 21. Augusti/ da die Hispanischen die Schanz also einbekamen waren sie so begierig/ ein jeder etwas zubekommen/ Ein jeder walt der Erst in der Schanz sein / So kompt ein Hackenschuß/ mit einer brennenden Lunden/ an ein Sack puluer/ darbey lag auff der Erden Puluer verschütt/ vnd zerstreuet / vnd fellt im der Lunden darcin / das das Puluer angehet/ sind irer etliche dardurch auff dem Platz blieben/ hat ir auch sonst vil beschediget/ vnd auß der Schanz geworffen.

Den 22. Augusti/ wird die Schanz mit zwey Fenlein Deutscher besetzt/ vnd der ein Admiral/ der vnter Bonn lag/ hat halben Wind bekommen/ hat seine Segel auffgespannet/ vnd auffwärts gefahren/ da er gleich gegen Bonn kompt/ schiessen sie mit einem grossen Stück auß der Stat/ durch den Ausleger / Vnd werden ihr zwen getroffen/ jedem ein Bein ab/ also das der ein nach zweyen stunden sein Geist auffgab / Der ander aber nach zweyen Tagen.

Ziem

Item den 23. dis Monats / hat man das Geschütz wider vber Rheim
bracht / sampt dem Kriegsvolck / vor Bonn.

Den 10. Herbstmonats / hat es sich begeben vnd zugegetragen / in der
Nacht zwischen zehen vnd eylfften / das der Fendrich vnter den Reuttern /
ein versuchter Kriegsmann / sich auß der Statt / mit etlichen seinen guten
Freunden / wol in die zweinstig Personen / in einem Nachen / den Rhein hino
ab begeben / Aber die auff Blantkenmeyers Aufleger wurdens gewar / eil-
ten ihn mit Nachen nach / kondten sie aber nicht erwischen.

Den 20. Herbstmon haben die Hispanischen gewaltig vor der Stat
geschossen / darvon in der Statt ein groß schreyen vnd jamern / von Weis-
bern vnd Kindern gewest / das man es im Lager gehört hat / Dann es ist an
der stattmawer ein groß theil eingeschossen / vnd in der Stat etlich Heuser
verderbt worden / Aber gleichwol haben die in der Statt ein gewaltigen
Wahl oder Bollwerk hinder die Mawren gemacht / vnd dahinder einen
tieffen Graben / dann sie tag vnd nacht gearbeitet haben / groß vnd klein /
in meinung die Statt zuerhalten.

Wie nun die ob gemelten ding vergangen / hats sich begeben den 21.
vnd 22. dis Monats / das man sich im Lager vereintigt hat / vnd ein Trom-
meter nach der Stat geschickt / ehe man die weiter beschedigen möchte / vnd
sie mit Sturm angreifen / Haben sie miteinander parlamentirt vnd sprach
gehalten / Ob sie die Statt wolten aufgeben / oder nicht / Vnd in alle Ges-
fangene wider zustellen / so sie ihre abgefangen hetten / Darauff sein sie zu
Rath ggangen / vnd sich vnter einander berathschlaget / was sie dem Feind
für Bescheid wolten geben / fürzlich geantwortet / man solte ihn drey Mo-
nat Sold geben / vnd sie mit ihrer Wehr / Sack vnd Pack auß passiren /
vnd mit fliegenden Fahnen / vnd aller ihrer Rüstung außziehen lassen /
sonst wolten sie sich so lang / wie Ehrlichen Knechten wol anstehet / halten /
vnd ihnen Kraut vnd Loth nach ihrem vermögen mittheilen / weil sie sich
regen kündten.

Auff solche antwort ist der Prinz von Chimrey widerumb zu Rath
gangen / mit seinen Obersten vnd Rätegeräthen / vnd haben irem Feind
fürzlich wider geantwortet / man wolte sie wider zu Gnaden auß vnd ans-
neimen / weil sie sich so wol vnd dapffer gehalten / Aber man wolt ihnen kei-
nes wegs Heller oder Pfening geben / sonder mit ihrer Senten wehr las-
sen passiren. Auf solche Antwort / hat der Herr von Pottis / Gene-
ral Oberster / Capitein vnd Statthalter in Bonn / begeret / Man solle
Geiß

Gelster herein lassen/er wolt widerumb andere her gegen herauf schicken/
wad mit ihm selbst den Accord oder Vertrag machen/ Vnd ist solches
nach irem begeren geschehen.

Diemeil sie auch vernahmen vnd merckten/das in Schenck jr Obero-
ster/darauff sie sich verliessen vnd hoffeten/doch nichts mit ihm were/ vnd
aller Zusage gar nicht nachkeme/ Da man so lange von gesagt hatte/ vnd
jhr etliche viel Gelds darauff verwett/ von Entschung/ die es gern gut ge-
sehen hetten. Vnd alda ist der Accord getroffen/ den 22. Septembris/das
man sie mit fliegenden Fahnen (wie obgemele) vnd alles was ein gemein
Soldat/ vnd ein Reutter auff seinem Pferde/hat können wegbringen/zie-
hen lassen/Vnd alle Gefangene gegen einander auslassen. Wie aber dis
alles noch nicht gnug/hat der Prinz von Chimey inen noch sicher Gelept
müssen zusagen/ Vnd widerumb Geyßler gen Bergk schicken/ vnd sich
die da lassen einstellen/ bis das sie an Orten vnd Plätzen weren/ da sie hin
begerten/ Vnd dann die obgenandte Geyßler oder Bärge gegen einand-
er wider herauf zugeben. Vnd so ist der Herr Potlis General Cap-
itein/mit seinen vnterhabenden Knechten/ den 28. Tag die-
ses verlossenen Monats außgezogen/vnd die Statt
Bonn den Spaniardten oberantwort/

Anno 1588.

Erstlich gedruckt zu Golln/ Nachgedruckt in der
Fürstlichen Statt Coburgk/durch
Valentin Kröner.

die die

Handwritten text in the left margin, partially obscured and difficult to decipher.

Einmündigkeit und in der

in der Stadt Remis in Fran.

9. von einer jungen Frau, welche in der
Kathedrale zu Remis, und bis am 3. Aug.
1589.

2. Erklärung, Declaration und Erklärung

in der Stadt Remis von dem Herzog von
Lorraine, Abfall und Ungehorsam 1589.

von dem Bischof und geistlichen Fürsten und von
Francisci von Valois, Herzog von Anjou vom
Jhr. 1575.

AB 155 578

ULB Halle 3
001 851 284



Handwritten mark resembling the number 5.

VD 17 00

K

Handwritten text at the bottom left corner.





Bonn /

Warhaftige Zeitung / von

Belegerung vnd Einnemung der Stadt
Bonn / sampt der Schancken.

Welcher gestalt die Spanischen sie ein-
bekommen haben / den 25. Septembris
Anno M. D. LXXXVIII.

Auch was sich darvor auff beeden Theylen verlossen
vnd zugetragen hat / seind der Belägerung / mit
Scharmüßeln / Schlagen vnd andern
Kriegs Sachen.



18

